

UTUSAN MALAYSIA

DATE: 17/8/2010

## Dakwaan konspirasi tidak benar

- Dr. M <sup>UM-17/08/10</sup>

KUALA LUMPUR 16 Ogos – Tun Dr. Mahathir Mohamad menegaskan bukan cara beliau untuk menggunakan mahkamah bagi menyelamatkan kedudukannya ketika menjadi Perdana Menteri.

Sehubungan itu, walaupun berulang kali cuba digulingkan oleh musuh politiknya sepanjang 22 tahun mentadbir negara ini, beliau tidak mengambil tindakan memenjarakan mereka semua.

Dr. Mahathir dengan itu menyangkal dakwaan Ketua Pembangkang, Datuk Seri Anwar Ibrahim kononnya pertuduhan liwat yang dikenakan ke atasnya merupakan suatu konspirasi.

“Anehnya, pemimpin yang didakwa sebagai kejam ini (Dr. Mahathir), ketika ditentang oleh musuh politik dan juga timbalannya sendiri pada 1986 tidak pula mendakwa mereka semua dengan pertuduhan liwat atau sebarang pertuduhan lain dan menghumban mereka ke penjara.

“Pada 1990 dan 1995 juga berlaku lagi gerakan untuk menggulingkan saya tetapi akhirnya salah seorang daripada mereka pula saya lantik sebagai Timbalan Perdana Menteri dan seterusnya berjaya bergelar Perdana Menteri,” kata Dr. Mahathir dalam blognya <http://chedet.co.cc> di sini hari ini.

Mengenai tindakan Anwar yang berterusan mendendangkan dakwaan konspirasi, beliau berkata, kerajaan tidak terlalu bodoh untuk menggunakan alasan yang sama bagi tujuan memusnahkan karier politik Penasihat Parti Keadilan Rakyat (PKR) itu.

Dalam pada itu, beliau secara sinis melontarkan persoalan tentang ‘konspirasi’ Anwar mengusahakan penangguhan demi penangguhan perbicaraan